

Diener/Hospitalkn vnd Schulen/ vnd ander gebührlich
Gottes Dienst vbrig seyn/so wol auch alle Investituren,
Annaten/der Bischoffe/Prälaten vnd Beneficien, vnd
was sonst mehr/an geistlichen Gottsergebenen Gütern/
von beyderselts Religionsverwandten/ beyde von geist-
lichen vnd weltlichen / zu eygenem Nuße/ mißbraucht/
vñ vbel angeleget wirt/hieher zu diesem hochnotwendigē
Christlichen Werck vnd rechten Gottesdienst / auch solte
trewlich angewendet werden: Sola ibi tangitur Regula:
Da stößet sich / da wil niemands weichen / noch sich
Gott oder Menschen weisen lassen/darüber sie vnd mir/
hernacher leyder vom Türcken gefressen/ vnd gar vnter-
gedruckt werden.

Die Jüden geben von einer jeglichen Person/ ei-
nen Thaler.

Wo auch die Leute sich der Armut entschuldigen
wollen/sol ihnen ihre Obrigkeit Arbeit zu schaffen schul-
dig seyn/ &c.

Es solte auch ein jeder/ hohes vñnd niedern Stan-
des/von seinen beweglichen vnd unbeweglichen Gütern/
von ein hundert Guldē / einen halben / von 50. einen
Drt/vnd von 25. einen halben Ort geben.

Alle lebendige Haabe / als Pferde / Ochsen vñnd
Schaffe / dieweil derselben leichtlich was zukommen
mag/verstewret jedermann nicht höher / dann zu halber
Wirde.

Schiffe / die auff dem Meer fahren/ sollen zu hal-
ber Wirde verstewert werden/ nemlichen / was ein tau-
sende Guldē / gibt nur dritthalben Guldē/wann sie a-
ber heimkommen/vor voll. B Die